

御制叙

分宁双井之泉有黄卿名庭坚者一日进其族谱乞朕序朕披阅之备知其鼻祖陆终演迤而为五十三世之泽甲第簪纓蝉联舄奕可谓盛矣可谓远矣昔老泉谱苏氏曰人之一身分而至于亲尽则视如途人此谱之所以作朕尝有感于斯语而犹以为未尽人情之变嗟夫亲尽而视如途人薄矣安知有亲未尽而有相视如仇讐者乎谱岂可无作亦可徒作谱官爵之盛不如谱诗书之盛谱族党之富不如谱礼逊之富杜房门户非不辛苦随为不肖子孙败之崔庐门第非不高华及其泉冷仅足卖婚姻之用耳皆不免后世之非笑然后知诗书之泽长礼逊之风远也阅兹奏请则诚人心风俗千百年不磨之典试聚族而谋之倘以朕言为非欺则黄氏之谱自是万古指南悠久绵亘矣

宋徽宗政和三年癸巳八月十二日

御赠黄庭坚

追赠龙图阁大学士文节公黄庭坚

诰命

奉天承运

皇帝制曰故朝奉郎黄庭坚自熙宁大臣用

事变法始以异同排斥士大夫惟我

神祖念之不忘元丰之末稍稍收召接于元祐

英俊盈朝而尔以文采风流为一时冠学者欣慕之及

继述之论起党籍之禁行而尔每为罪首则学者以其

言为讳自是以来缙绅道丧綱纪日隳驯至宣和之乱

言之可为痛心迺朕纂承先绪既从昭洗今加赠尔龙

图阁大学士官子孙各一人斯足以见朕志以呜呼西

清之游书殿之选惟尔曹为称使生而得用能尽其才

亦何止于是欵举以追命聊伸齐志之恨亦以少慰天

下士大夫之心英爽不忘歆此休显

勅命

绍兴元年三月 日

之宝

诰赠州同职衔黄博宣

诰命

奉天承运

皇帝制曰纳粟效輸将之义用奖急公推恩溯积累之遗载扬先泽尔黄博宣州同职衔黄润兰之父锡光有庆树德務滋嗣清白之家声义方有训衍弓裘之令绪世业方长兹以覃恩赠尔为儒林郎赐制命于戏谋貽燕翼膺茂典而益新励猷情慰

乌私发幽光而丕彰潛德

制曰朝廷重名器之坊德门集祐臣下上表扬之典贤母有光尔赵氏乃州同职衔黄润兰之母箴戒扬芬珩璜德行职勤内助宜家久著其贤声泽裕后昆锡类式承乎嘉命兹以覃恩赠尔为安人于戏播徽音于彤管壺范弥光膺异数于紫泥天庥允邵

州同职衔黄润兰

清宣统二年十二月十八日

之父母

诰授州同职衔黄润兰

诰命

奉天承运

皇帝制曰朝廷重华袞之荣用资勤勉臣下列簪纓之选合予褒嘉尔州同职衔黄润兰自贞清检母忝素修树德務滋用能扩张门闾宅躬无玷允堪矜式乡闾兹以

覃恩授尔为儒林郎锡之勒命于戏恩纶广沛虽疏远而弗遗宠命荣膺励行义而弥笃

制曰册府扬麻聿著国恩之典门闾集祐允宜家

道之成尔尹氏乃州同职衔黄润兰之妻女诚夙嫻妇工无缺职勤内治乡里著其贤声德许宜家门庭酿为和气兹以

覃恩授尔为安人于戏播芳徽于彤管壺范弥光膺异数于紫泥天庥允劭

州同职衔

清宣统二年十二月十八日

黄润兰 夫妇